


مکتبہ اعلیٰ

ادبی و سیاسی رسالہ: اسبوعیہ در ❀

۳۰ نجی سنہ



۱۸ جمادی الاخریٰ ۱۳۲۹

❀ پچشنبہ ❀

جزو عدد : ۱۰۰

سنت بووک احوال خصوصیه سی

(مابعد عن جزؤ ۹۹)

سنت بووی طانیانلردن کیمکله کورشدیم ایسه جمله سی عین مطالعاتده بولندیلر: سنت بوو مؤثر و رقت آمیز اوضاع و اطواره مالک اوله رق ایلك نظرده کلیسایه منسوب بر بیوک ذات بولندیغه و کندی نی طانمقی ایچون طولاشدیغه ذاهب اولور .

وقتیله سنت بووک کاتبی زول لووالوا ، کچنلرده بزه یازمش اولدینی بر مکتوبده ، شویولده اداره کلام ایلشدر :

« ایلك نظرده بکا بر ایستالیا ریسی روحانیسی . بر حقیقی قاردینال تأثیری اجرا ایتمکده ایدی . ساده لك ، جناسلرله طولی مکالماتی بنی حیران ایدیوردی . آه ، سنت بووک مکالماتی ، دهها طوغریسی مصاحباتی اولورشی دکل ایدی هله مصاحبانده پک بیوک ، پک نادر الامثال ایدی حتی دیه بیلمکه مصاحبلرینی مقاله شکلنه قوردی . اقشاملین بولوارک تانهایتنده کز مکه چیقدیغیز زمان آنلری بکا کمال شوق ایله ، حرارتلی اوله رق نقل و ایضاح ایلردی . بوصره لرده بیان مطالعاتده بولمقدن و یا بر قید و شرط در میانسندن توقی ایتمک لازم ایدی . اگر کندینه آرزوق آچیق اوله رق مخالفتده بولنیله جق اولنورسه حقیقی بر حدت و انفعال ایله : خلاصه سوکیلی دوستم ! سز مقاله می ا کالدن بنی منع ایتمک ایسته یورسکیز . بوماده خوشکیزه کیتک بختیارلغته نائل دکل ! بو حقیقه باعث تأسفدر ! دیه حابیردقدن صکره . جدأ حدت و انفعال ایدرک بکا آرقه سی چویرپردی . فرداسی کونی مقاله یازلدقدن صکره کندیسینی ینه صویک آقندیسنه کتیرمک مشکل دکل ایدی . یالکیز

کندینه عکسی مقابلہ دہ بولنامق لازم ایدی . موافقت و متابعت واسطہ سیلہ کندیسندن
 ہرنہ آرزو ایدلسہ استحصالی ممکن ایدی . طرز افادہ نک تبدیلی خصوصندہ ممنونیتلہ
 مذاکرہ دہ بولنوردی . صرہ سی کلش ایکن آنک برطرز مشغلہ یومیہ سنی سزہ
 تصویر ایدیم : اولا برمادہ بی موضوع انتخاب ایلردی . اومادہ متعلق کتابخانہ سندہ
 موجود اولان آنارک کافہ سنی بولوب چیقاریردی . بوندن بشقہ عمومی کتبخالردن ،
 مازران ، آرسہ نال ، ناسیونال کتبخانہ لرندن لازم اولان کتابلری عاریہ اخذوجع
 ایلردی . مباحث عائدہ سنی مشترکاً نظر مطالعہ دن کچیرر ایدک . آلنہ جق نقطہ لری
 همان اشارت ایدردم . انتخابی اکمال اشدکدن صکرہ فکر بحجہ کندی مقصدینہ خادم
 اولہ بیلہ جک موادہ دار برپر و غرام ویرردم . بو اشارتلی نقطہ لرندن آرتق اوکندی
 مسودہ سنی ترتیب ایلردی . آندن صکرہ مقالہ سنی ترتیب و تسوید ایچون برکون
 چالشمنہ محتاج اولدیغندن بکا آدیسو دیر ایدی . بالذات یازدیغنی کندی تکرار
 اوقویہ مازدی . آتی برلکدہ مطالعہ ایدردک . آندن صکرہ مقالہ همان مطبعہ یہ
 کیدردی ، بازار کونی ترتیب مسودہ لرینک قرائت و تصحیحہ حصر ایدیولوردی . بازار
 ایرتسی کونی مقالہ غزنیہ درج اولنوردی .

« سنت بوو اصل مقالہ سنی یک صیق بازار و مسودہ بی متعادیاً تصحیح ایلردی .
 [ورژیل] حقندہ کی کتابی بر دفعہ دہا کاملاً تبیض ایتمکہ مجبور اولمش ایدم .
 صکرہ کی تمثیللر دہ دخی عین و جہلہ دقت و اعتادہ بولنوردی . (بلالانش) لک برسوزینی
 تکرار ایدردک دیر ایدی کہ : (انسان نہ قدر چوق یازار سہ یازسون اولادلرینی عامہ نک
 مرحمت و مروتہ ترک و حوالہ ایتمک جائز دکلدرد .) طبع ترتیلرندہ چوق تصحیحات
 اجرا ایتمزدی . فقط نقطہ نظریخی تبدیل ایدہ جک اولور سہ ، یا خود میدان
 مؤاخذہ یہ چکدیکی اشخاص اوللہ نسبتہ دہا آز خوشنہ کیتیمکہ باشلار سہ اوزمان
 تصحیح ایدیلہ جک سطور مطالعات تراید ایلردی . بر دفعہ توجہنی قازانش اولانلردن
 بری حقندہ توجہنک بسبتون زائل اولسی یک نادر واقع اولوردی . »



مؤاخذ شہرہ الٰہ یقین بولنالنردن بری واسطہ سیلہ کنڈینک طرز مساعیسی
اوکرندک؛ عالم مشارالہک طرز معیشتہ ، فرانسه ادبیاتنک ہیاکل دائمہ و مکملہ سی
اولان آثار نفیسہ و عالمانہ بی وجودہ کتیرمک خصوصندہ کی مساعی واقعہ جسمہ سنک
بالطبع تولید ایدہ جکی بارعظیمہ غلبہ مقصدیلہ نہ کبی تدایر صحیہ یہ مراجعت ایلدیکنہ
دار ایضاحات لازمیہ دسترس اولق ایچون دخی ینہ معلومات سابقہ بی اعطا ایدن
ذاتک ہمتہ مراجعت ایدیوروز .

ژول لووالوا ۱۸۶۰ سنہ سنک ایلک آیلرندہ ہمشہریسی اولقلہ برابر نیورق
غز تہ لردن برینک مخبر لکنی ایدن آمریقالی بر قادیں ایلہ برابر بولندینی صرہ دہ
مومی الہانک غایت جدی بر صورتہ « سنت بووک ہر کون بعد الطعام سرخوش
اولہرق ماصہنک آلتہ یوارلاندینی و او حالت مستیدہ یردن قالدیریلہرق یتاغنہ
یاتیرلق مجبوریتندہ بولندینی صحیح میدر ؟ » سؤانہ مخاطب اولور .

لووالوا دیورک : « بوسؤال بکا اوقدر غریب ، اوقدر صاچہ کلدی کہ او لا
حیرتدن قہقہہ بی صالیویردم . فقط بر مخبر سیارک کومزہ لکنہ حوالہ کوش
اعتبار ایتش اولان بر قادیہ قارشى حقمنزلقدہ بولندینی تفکر ایدرک ، سنت بووک
عشرت خصوصندہ صوک درجہ برہیز کارلغنی کنڈینسہ تأمین ایلدم .

[ماہدی کلجک نسخہ دہ]

